



Dato: 15. februar 2023  
Kontor: Nordatlantkontoret  
Sagsbeh: Astrid Boesen  
Sagsnr.: 2022-490-0337  
Dok.: 2695057

## MISSINGIUT

**Pillaasarnermik inatsisip, eqqartuussisarnermik inatsisip,  
aningsaanik malunnarunnaarsaasarneq pillugu inatsisip aamma  
inatsisit allat assigiinngitsut pillugit inatsisip allanngortinneqarnerata  
ilaanik Kalaallit Nunaannut atuutilersitsinissamut peqqussut.**

UAGUT MARGRETHE AAPPAAT, Guutip Saammaassineratigut uagut  
Danmarkip Dronningia, nalunaarpugut:

Pillaasarnermut inatsimmik, eqqartuussisarnermik inatsimmik,  
aningsaasarianik malunnarunnaarsaasarneq pillugu inatsimmik inatsisinillu  
allannguineq pillugu inatsimmi nr. 2601, 28. december 2021-meersumi §  
24, stk. 2<sup>1)</sup> malillugit, (2021-miit 2023-imut politiit aamma  
unnerluussisussaataitasut aningaasaqarnerat pillugu isumaqatigiisummi  
suliniutinik, ilaatillugu Nuna Tamakkerlugu Immikkut Pinerlunnerit pillugit  
Suleqatigiissitamik pilersitsinermik atuutilersitsineq) makkuningga  
aalajangersaasoqarpoq:

---

Aalajangersagaq tulliuuttunik oqaasertaqarpoq: »§§ 3, 5, 8, 9 aamma 11-19 Kunngip  
peqqussutaatigut Kalaallit Nunaanni pissutsit apeqqutaallutik allannguutit ilaatillugit tamakkiisumik  
ilaanakortumilluunniit Kalaallit Nunaannut atuutilersinneqarsinnaavoq.

## § 1

Kunnigip peqqussutaatigut nr. 956, 17. Maj 2021-mi Kalaallit Nunaannut atuutilersinneqartoq, peqqussut nr. 2627, 28. December 2021-imeersukkut allanngortinneqartumi, aningaasarsianik malunnarunnaarsaasarnermut aamma peqqarniisaarniarnernik aningaasalersuineranut pitsaaliuineramik iliussissat pillugit inatsimmi (aningaasarsianik malunnarunnaarsaasarneq pillugu inatsit), tulliuuttut allannguutit suliarineqarput:

1. § 26-imi imm. 3-p kingorna, immikkoortutut nutaatut ikkunneqarput:

»Imm. 4. Imm. 1-i malillugu nalunaartoqarsarlugu, aamma Kalaallit Nunaannut aningaasanik peqquserluutunik malunnarunnaarsaasarneq pillugu allattoqarfimmiit akuersissummik pissarsinissami tungaanut, nuussinerit, aningaasarsianik malunnarunnaarsaasarnermut tunngassuteqartut aammalu annertullutillu pasinapiluttumik pissuseqarneri, pillugit ilisimasaqarunik, pillugit pasitsaassaqarunik imaluunniit naammattumik pissutissaqarlutik ilimagisaqarunik, suliffeqarfiit aamma inuit aningaasanik nuussinngikkallartassapput. Kalaallit Nunaannut aningaasarsianik malunnarunnaarsaasarneq pillugu allattoqarfik, kalerriummik tigusaqarnerup kingorna, sapinngisamik piaarnerpaamik aammalu kingusinnerpaamik ullup bank-ip ammasarfia tulliuuttoq matutinnagu, arsaarinnissuteqartoqassanersoq pillugu aalajangiinermik iliuseqassaaq.

Imm. 5. Qaqugukkut nuussineq imm. 4-mut ilaatinneqartutut isigisariaqarnera pillugu maleruagassanik sukumiinerusunik Inatsiseqarnermut minister-i (Justitsminister-i) aalajangersaasinnaavoq.«

Imm. 4-6 tamatuma kingorna imm. 6-8-nngusaaq.

2. § 26, imm. 4, oqaaseqatigiit aappaanni, imm. 6, oqaaseqatigiit aappaattut taaguuteqalersumi »aalajangiissaaq« allanngortinneqarpoq imaalillugu: »iliuseqassaaq«, aamma »kalerriummik« kingorna: »aalajangiinermik« ikkunneqarpoq.

3. § 29, imm. 1-imi, aamma § 78 a, imm. 2-mi allanngortinneqarpoq:  
»Aningaasaqarnikkut Nunarsuarlu tamakkerlugu  
Peqquserluttuliortoqarsimatillugu Naalagaaffiup Eqqartuussisuunera«  
imaalillugu: »Nuna Tamakkerlugu Immikkut Pinerlunnerit pillugit  
Suleqatigiissitaq«.

4. § 37-mi »§ 26, imm. 3 aamma 4« allanngortinneqarput imaalillugit: »§  
26, imm. 3, 4 aamma 6«.

5. § 38-p kingorna *kapitali* 8-mi ikkunneqarpoq:

»§ 38 a. Inuit, pisortani aqutsisoqarfinni sulisuusut, pinerluttulerinermik  
inatsimmi §§ 50-54-imut malillugit akisussaallutik, § 26 malillugu  
kallerriummut tunngasunik, paasissutissanik isertuussinissamut  
pisussaaffeqarput.

*Imm. 2* Kunngip peqqussutaatigut Kalaallit Nunaannut  
atuutilersinneqartut, Illuatungeriit pillugit allagaatinik takunnissinnaaneq  
pillugu aqutsinermut inatsimmi § 9, illuatungerisamik tusarniaaneq pillugu  
§ 19, tunngavilersuisussaataaneq pillugu § 24, aamma aqutsisoqarfiit  
oqartussaasut akornanni paasissutissanik ingerlatitseqqiisarneq pillugu §§  
28 aamma 31, aamma pisortani aqutsisoqarfinni sullisineq pillugu  
landsting-ip inatsisaani aalajangersakkat assingusut, imm. 1-imi  
eqqaaneqartunut paasissutissanut atuutinngillat.«

6. § 55, imm. 3-mi, § 62, imm. 3-mi, § 68, imm. 3-mi, aamma § 78, imm. 1,  
*oqaaseqatigiit aappaanni*, aamma imm. 2-mi, »§ 26, imm. 1 aamma 3  
aamma imm. 4, oqaaseqatigiit siulliit, allanngortinneqarput imaalillugit: »§  
26, imm. 1 aamma 3, imm. 4, oqaaseqatigiit siulliit, aamma imm. 6,  
oqaaseqatigiit siulliit,«.

7. (Kalaallit Nunaannut atuutilersinneqassanngilaq)

8. § 78 a, imm. 1-imi allanngortinneqarput »§ 26, imm. 1 imaluunniit imm.  
4, oqaaseqaat siulleg,« imalillugu: »§ 26, imm. 1 aamma 3, imm. 4,  
oqaaseqaat siulleg, aamma imm. 6, oqaaseqaat siulleg.«

## § 2

*Imm. 1. Peqqussut atuutilersinneqassaaq ulloq [...]*

*[...]-mi tunniunneqarpoq, ulloq [...]*

Kunngisut Atsiorpugut Naqissusiillutalu

MARGRETHE R

/ Peter Hummelgaard